

den Spulen von der rechten Hand zu der lincken laufft / oder / so geschwind der Faden von der Spulen im Weberschifflein ablaufft / so geschwind ist auch mein Leben dahin gewesen / ꝛc.

Auß welchem erzehlten dann wir vnser kurzes vnd vnbeständig Leben wol zubeherzigen haben / vnd dann auch darbey zubetrachten / daß ein jeder Mensch / wie auch oben angedeutet / wol anlege / darmit wann die ab geloffene Stunde auß vnd fürüber / wir durch den zeitlichen Todt von der Schildwacht vnser Beruffs abgelöset / auch wol für G. D. bestehen mögen / darvon Matth. 25 cap.

Wie es nun aber vnns als den Prædecessoribus ergehet / daß wir / wie das Uhrwerck / bald ablauffen: Also ergehet / es auch vnsern Successoribus, so an vnser statt vnd stellen auffkommen / daß sie auch nicht in die Länge verharren / stehen vnd schlagen / sondern auch allgemach ablauffen müssen / wenn wir kaum wenige Stunden in vnsern Emptern gelauffen vnd gedienet haben / mancher zehen / zwanzig / mancher aber dreyßig / vierzig weniger oder mehr Jahr. Doch ist das tröstlich // daß Gott vnser Werckmeister vmb vnser Ab-  
lauffen vnd Todt gute Wissenschafft trägt vnd hat / vnd vns dahin fahren vnd sterben läst / vnd vns vnser Ziel gesezet hat.  
Psalm 139.

Weilen aber die Stunde vnser Abschieds auß dieser Welt / sehr vngewiß ist / wie denn einer des Tages oder Nachtes / wann er kein Uhrwerck fürhat / nicht wol vnd eigentlich wissen kan / wie lang er noch in die Nacht / oder auff den Tage : vnd was jetzt prächtig / starck vnd mächtig / bald zu einem Hauffen fallen / vnd zu boden gehen kan / nach außweisung der Täglichen Exempel: Also sollen wir auch für allem dahin bedacht seyn / daß wir in gottseligem Wandel vnd Tugenden vnser Schöpffers / vnd vnserer Jugend  
geden